



# Պարույր Սևակ

## Մոսկվացին

-«Սովորական բան է, մանրուք է սա», - արագ

Պիտի ասի իսկույն

Նա, ով գեթ մի օրով այս քաղաքն է մտել:

Այո՛, մանրուք է սա,

Սովորակա՛ն այնքան և հասարա՛կ,

Որ կարող ես անգամ չնկատել:

Այսպես՝

շտապում ես և կամ ման ես գալիս

(Անկարևոր է սա, երկրորդական):

Եվ դու թուխ ես, ինչպես մի հնդկական Վալի,

Եվ աչքերդ շեղ են՝ կիրգիզական:

Եվ աչքերդ սև են - սև խաղողի հատիկ,

Բերանդ է ընդգծված՝ ինչպես արաբ,

Քիթրդ ուղիղ, ասես ֆրագանենտ է անտիկ,

Եվ դու ման ես գալիս քո ժամերին պարապ:

Հանկարծ դեմից, կողքից,

Միշտ «ներեցեր» խոսքով,

Մեկը դիմում է քեզ

և դու կանգ ես առնում:

Նա շեկ մազեր ունի,

ասես զօծված ոսկով,

Աչքեր՝ կապո՛ւյտ-կապո՛ւյտ,  
Բիլ երկինքն է կարծես այնտեղ անդրադառնում:  
-«Խնդրեմ ասեք, ընկեր,  
Ո՞նց կարող եմ ընկնել»...  
Եվ նա տալիս է քեզ մի փողոցի անուն,  
Ասենք Նիկիտսկու և կամ Կոլորովի:  
Եվ հարցնողի մտքով գեթ մի վայրկյան  
Չի էլ անցնում անգամ,  
Որ դու մոսկովցի չես:  
Բոլորովի՛ն:  
Ռուս է ոտից-գլուխ,  
Գուցե և մոսկովցի,  
Ռուս է Ռյազանից,  
Դոնից  
կամ Վոլգայից,  
Եվ կանգնեցնում է նա, հարցնում է - հասկացի՛ր -  
Մոլդավացուց,  
օսից,  
չուկոտացուց,  
հայից:  
Եվ չի անցնում մտքով  
Ոչ մի վայրկյան անգամ,  
Որ ում դիմել է նա  
Թե նման չէ ռուսի,  
ուրեմն մոսկովցի չէ:  
Սա մանրուք է, անշուշտ, սովորակա՛ն այնքան,  
Որ պոետի մտքով չի էլ անցնի անգամ  
Նստել ու երգ գրել...  
Երգ չի սա է՛լ, օ չէ՛:  
Սա հենց այն է, ինչով Մոսկվան Մոսկվա մնում,

Ինչով նա հաղթում է և ինչով նա հիմա  
Ազնիվ մարդկանց սրտում,  
Երկրագնդում համայն  
Այն անխորտակ,  
անտակ,  
խոր հավատն է ծնել,  
Որ գալիք է Մոսկվան ողջ աշխարհի համար  
Եվ իսկական բոլոր ազնիվ մարդիկ այնտեղ՝  
Վաղվա մոսկովցիներ...

25.1.1952թ.

Մոսկվա